

ВЛАНОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць
каждого 1-го и 15-го.

АДРЕС:
редакціи и експедиції :
REDAKCIA „VLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число 60 К
За границу 20 .. К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 сторону .. 120 К
за 1/4 сторону .. 65 К

Темна будучность! (Серіозное слово до заблудившихъ).

Коли видиме чорнѣ хмары сходитися на небосклонѣ и чуеме шумлѣння изнімаючогося вѣтра, ясно передъ нами, что приходить буря.

Сякѣ хмары сходяться и на нашомъ христіянскомъ горизонтѣ и уже и чути шумъ бурный то одсѣ, то одти зъ збуреныхъ околиць, яко знакъ надходячої тучѣ !

Моральна небезпека помалу, но серіозно зближається. Люде вмѣсто Богу служити, служать мамонѣ ; а котрѣ нѣбы вѣрнѣ христіяне : „Людіє сіи сусты своими и сустами чтвтъ мна ; сердце же ихъ далече отстоитъ отъ Мене“. Кажеся о них.

Что зъ сего буде ?! Богъ вѣсть ! Но если и дaleсякъ держить, что „вѣрнѣ“ роздирають ризу Христову, чтобы себе украсити нѣбы „православными“ и одступаютъ од правды и даются „во снѣдѣ грѣшныхъ“, коли „мноzъ прїдуть во имѧ мое“ — Исусово ! А приходить мысленнѣ овци во овечой шкурѣ, антихристовѣ пророки и предтечи и обманять легкомысленныхъ, наповнять свої кешенѣ, а провѣривыхъ заведутъ въ погибель !

Явно се изъ роботы лжедуховниковъ батюшокъ, котрѣ на славный погрѣбъ, на зыскуючу параду и великѣ корысти—готовѣ, а дѣтей схизматицкихъ родичовъ научати на законъ Божій, не е кому!

Ђмъ безпредметнѣ слова Божѣ: „не презрѣте единаго отъ малыхъ сихъ!“ Они бо „наемники“ а не служителѣ Вышняго“! Се не доста, но чтобы руйнованя совершенное, не допускаютъ дѣтей на катихизъ ко нашимъ священникамъ; охотливыхъ родительовъ угрожаютъ, страхають, а священниковъ, истинныхъ отцовъ духовныхъ подбуждаютъ выгоняти и всякимъ способомъ испиняютъ ихъ въ працѣ! А изъ невинныхъ дѣтей возрастаютъ духовнѣ яничары, цвѣты большевицкѣ!

Сякъ дѣйствуютъ на Подкарпатю „служителѣ тьмы“! Съ и сього рода дѣла застеляютъ нашъ небосклонъ чорными хмарами и грозять знищеньемъ поля, насѣянѣ зерномъ слова Божого!

Положѣмъ руку на сердце и збудимъ нашу сплячуци затерплу совѣсть и воздыхайме:

Что буде изъ сего? До чого доведе?

Люде оддалилися отъ Бога, здичали; дѣтей нема кому наводити на доброе, научати на страхъ Божій.

Нынѣ не е недѣлѣ, свята, но и простоѣ днины, обы чоловѣк на околици або у своеемъ селѣ не видѣвъ, нечувъ даяку злобу, соблазнъ! „Горѣ чловѣкѣ томъ, имже соблазнъ приходитъ“.

Се разъ доповнить мѣру, нарушить терпеливость Божу и кто противостане гнѣву Божому? Розярится Господь и скаже: „О родѣ невѣрный и развращенныи... доколи терплю вами“?

Признаймсѧ передъ Богомъ и передъ людьми, чѣмъ згрѣшились, зблудились. Простѣмъ ходатайство

и помоч Пресвятоѣ Дѣви Маріи, Матери Божоѣ, чтобы нась допомогла до наверненія, до покаянія !

Такъ Господь увѣнчае наше наверненіе со словами : „**ДНЕСЬ со мною вѣдѣши во Рай**“ !

Паломникъ.



Непомильность Церкви и римского папы.

Не кождому члену Церкви передав Христос власть и задачу учити людей, св. Тайны выдѣльовати и вѣрниками управляти, лини своим апостолам и их законным наслѣдникам. Лиш им самим сказав : „**Шедше оубо научити всѧ языки**“ . (Маѳ. 28, 20). Зато в св. каѳол. Церкви розинствуеме членов, котръ учатъ и членов, котръ слушаютъ и принимаютъ науку наслѣдников апостолов. Перша часть, котра має учити вѣрников, называється учительским урядом Церкви. До сих належать всѣ епископы, которым помогаютъ священники, на чолѣ с наслѣдником св. Петра, римским папою.

Сей учительский уряд лиш в том случаю може свою задачу сповнити, если он с совершенною певностю знає, что учив Христос: то есть если он в проповѣданію Христовоѣ Вѣры непомильный.

I. Сесю непомильность Христос дѣйстно подав своеї Церкви:

а) Он сказав своим апостолам : „**Шедше оубо научите всѧ языки... се азъ съ вами єсмъ во всѧ дни до скончанія вѣка**“ . (Маѳ. 28, 20).

б) Перед своими страстями пообѣцяв им на всякий час Духа Святого : „**И азъ оумолю Отца, и иного Оутѣшителя дастъ вамъ, да вѣдѣтъ съ вами во вѣки, Духъ истины... той вы научитъ всемъ и воспомнѣтъ вамъ всѧ, та же рѣхъ вамъ**“

(10, 14, 16...26). „Егда же прійдеть онъ, Духъ истины, наставитъ вы на всѧкъ истины“. (10, 26, 13).

в) При основанію своеї Церкви казав Христос: „На сѣмъ камени созиждѧ церковь мою и врата ада не одолѧютъ ей“ (Ме. 16, 16). Если также св. Церковь могла бы помилитися въбрѣ, тогда бы стала побѣжденою от власти пекла. Зато называе и св. Павел Церковь Хр. каѳ. „столпомъ и оутверждениемъ истины“. (І. Тим. 3, 15).

Іисус Христос зато основав Церковь, чтобы она мѣсто Него научала людей; зато строго приказав, чтобы каждый чоловѣк так слухав на него самого, бо кто на Церковь не слухает той осуждається. Таким способом если бы св. Мати Церковь могла впасти в заблужденіе, вѣрники мали бы прияти сесю фальшиву науку Церкви и так утратити свое спасеніе. Но то не сходиться с святостю и премудростю Христа Спасителя; Христос такое не може допустити, зато мусъв подаровати свою Церковь даром непомильности.

Учительский уряд Христової Церкви состоять из папы и из епископов: если в Церкви повстает якась ересь (фальшивое учение), тогда папа римскій скличе всѣх епископов на собор; что ся рѣшить на таком соборѣ в дѣлѣ вѣры, то обязуете каждого христіянина, бо в сем случаю собор есть непомильный. Такій собор называється вселенским. Вселенских соборов было до теперь 20, послѣдній быв Ватиканскій, а слѣдуючій скликаный буде на 1925 год в дѣлѣ соединенія восточной церкви.

ІІ. Но не все можно скликовать сякъ вселенскѣ соборы; не раз так скоро треба рѣшати в спорных вопросах вѣры, что не е часу на скликаня собора; може статися и тот случай, что свѣтска власть не дозволяє епископам своеї державы поѣхати на собор, так, что про се не могутъ подержати собор. Христос се навперед знати и заботився о том, чтобы и в такомслучаю не зостала св. Церковь без непомильного форума. Он подав и одному чоловѣкови дар непомильности в проповѣданію вѣры и моральности. Сей оден чоловѣк есть св. Петро и його закони наслѣдники.

а) Христос положив св. Петра основою своеї Церкви, коли казав: „Ты єси Петръ (скала) и на сѣмъ камени созиждѧ Церковь мою и врата ада не одолѧуть ей“. (Ме. 16, 16). Крѣпость и сила сеї Церкви головно в том мається указати, что крѣпко стоить в вѣрѣ. Як бы могли наслѣдники св. Петра быти крѣпостями, стовпами, основами вѣры, если бы могли упасти в заблужденіе? Они бы сто раз завели были цѣлу Церковь в блуд, котра має их слухати и им повиноватися, если бы не были обдарованы даром непомильности.

б) Христос поставив св. Петра головним пастырем своего стада. Казав му: „**Паси агнцы мои, паси овцы мои**“. (Іо. 22, 20). Пости або кормити стадо Христовое есть проповѣдати правду Христову. Если бы св. Петро, або его наслѣдник римскій папа могли бы похибити върѣ, тогда бы мали за ними ити в блуд всѣ овцы и ягнята Іисуса Христа; и се не може допустити Христос.

в) Знаменитъ суть слова Іисуса Христа до св. Петра: „**Сімоне, Сімоне, се сатана просить васъ, да възмутъ васъ пшеницъ. Изъ же молихся с тобою, да не оскудѣтъ вѣра твоя и ты нѣкогда обрашся, оутверди братію твою**“. (Лук. 22, 31).

По словам Христовым св. Петро має потвердити братов своих върѣ. Но с сею новинностю св. Петра связана и тута обязанность, что и всѣ его „братя“ мають согласовати свою вѣру с вѣрою верховного учителя; иначак як бы мог обязати Христос верховного пастыря учити других, если бы никто не быв обязан його слухати.

И если так е дѣло, ци можеме допустити, что Христос не обдаровав того верховного пастыря даром непомильности? Положѣм, что папа могбы заблуждатися в проповѣданію вѣры; а из другоѣ стороны вѣрники обязанъ суть принимати его ученіе. Что стало бы ся тогда с Церковю? Впали бы всѣ с папою вѣдно в заблужденіе. И тогда бы даръмо была молитва Христа Спасителя и не мала бы жадного смысла „утверженіе братов“. Если также Церков обязана згармонизовати свое ученіе с ученіем верховного учителя, тогда той верховный учитель має быти непомильным в проповѣданію Христовоѣ науки.

III. И се не е новое в Христовой Церкви. Папы много раз торжественно осуждали еретиков еще до созыва соборов. Восточнѣ св. отцы в важных сомнѣніях вѣры прибѣгали к рѣшенію римского престола и сим рѣшеніям без всякого противленія повиновалися. Из соборов многѣ, як III. Ефескій, IV. Халкедонскій и VI. Константинопольскій согласили своѣ опредѣленія с готовыми рѣшеніями пап и торжественно воскликали: „Петр через Льва (папа римскій) вѣщав. Устами Агаѳона (папа римскій) говорив Петр“. Коли в V-ом вѣцѣ весь Восток с патріархом Акакіом впав в церковный розкол и послѣ даскольких десятков лѣт епископы хотѣли знов вернутися в каѳ. Церков, папа Гормизда составив для них формулу возсоединенія, которую должны были всѣ подписать. В сей формулѣ были такѣ слова: „Первое спасеніе состоить в том, чтобы хранити правило правої вѣры... ибо не може пройти даром слово Господа І. Христа: Ты если Петр и на сем камени... бо на апостольском (римском) престолѣ всегда сохранилася непорушима каѳолическа религія... Зато одобряеме и принимаеме всѣ посланія папы римского Льва, написаннѣ им о христіянской вѣрѣ“. Се исповѣданіе подписали больше двух тысяч епископов.

IV. Ватиканский собор г. 1870. только выголосив и точно опредѣлив смысл сего давного догмата. Выповѣв на основѣ св. Писанія и св. Преданія, что „Римскій папа есть непомильный, коли як верховный учитель и паstryр всеѣ Церкви в дѣлѣ вѣры и моральности чтось торжественно опредѣляе обязательно для цѣлої Церкви“.

Само от себе ся разумѣе, что шизматики и сесю правду Христовоѣ Церкви не принимаютъ. Чтобы и людей отвести от правды выдумали то, як бы мы то учили, что папа есть безгрѣшныи. У насъ каждый вѣрник знае, что изъ людей только Пр. Дѣва Марія была сохранена отъ грѣха; а папа як наслѣдникъ св. Апостола Петра непомильныи въ ученію Христовоѣ вѣры. Кто до сего не держиться, не може быти членомъ Христового стада.

ПРАКТИЧНЫЙ КАТЕХИЗ

О свойствахъ вѣры.

Яка має быти наша вѣра?

Паша вѣра має быти: повна, крѣпка и жива.

Коли е вѣра наша повна?

Вѣра наша тогды є повна, коли мы все то вѣруєме, что св. Мати Церковь вѣровати повсільває. Ибо кто лишь то вѣрює, что ему любить ся, тот и не має вѣры, ибо не Богови, но лишь самому себѣ вѣрює.

Коли е вѣра наша крѣпка?

Вѣра наша тогды є крѣпка, коли за вѣру нашу готови'сме и терпѣти.

Коли е вѣра наша жива?

Вѣра наша тогды є жива, коли мы не лишь словами исповѣдуємо вѣру, но по ней и живеме, т. е. повинуємeseя заповѣдямъ вѣры.

1. Един богач, который маєток свой несправедливымъ путемъ пріобрѣвъ, выслушавши проповѣди міссійнѣ, сказав священникови:

— Все дуже красное, что вы Отче проповѣдуете, и я бы пріялъ все и пообѣцявъ бымъ, что больше никому кривды не зроблю, но то, что вже мое, то не могу oddati.

На то священник одповѣвъ:

— *А то вамъ не може ани един священник дозволити ибо Богъ не токмиться. Або вѣрюете Ему и Его Церкви и тогды все маєте вѣровати и подержати, або нѣтъ и тогды не е одпущенія!

Такъ одповѣдае св. Мати Церковь и шизматикамъ, котрѣ не хотять принятии науки вѣры о единствѣ Церкви и о первенствѣ наслѣдника св. Ап. Петра.

Вѣра шизматиков не повна, корѣньом непослушности их е гордость, котра причинила упадок и непослушных ангелов.

2. Св. Письмо учить, что если крѣпка у нас вѣра и кажеме горѣ: двигнися — исповниться.

На то памятав и епископ Мамерт, котрый крѣпкою вѣрою своею побѣдив силу одного огромного пожара. Сталося то въ го-родѣ Віенне. Выбух огонь и так сильно бѣсився, что вже весь город уничтоженiem грозив. Народ став утѣкати из города. Тогда став еп. Мамерт перед огнем, разостер руки и крѣпкою вѣрою помолився ко Богу. И на то пожар нараз перестав ширитися дале и в коротком часѣ изовсѣм загас.

Так робѣм и мы. Во бѣдах и искушеніях не упадайме духом! Вѣруйме, вѣруйме крѣпко и Бог з нами буде.

В нынѣшних тяжких часах, коли Бог небесный позволив испытати нашу вѣру, не колебаймсѧ, не вѣруйме нѣкому, лиш Богови! Позерайме на примѣр христіян первых вѣков, особливо на крѣпку вѣру исповѣдников и мучеников, котрѣ кровію свою доказали свою постоянность во вѣрѣ.

3. Не раз стаєся, что друг наш во бѣдѣ не докаже к нам свою любов.

Что стоить для нас такое дружество, которое не е готово на жертвы.

То скаже нам и наша вѣра. Не мае великоѣ вартости вѣра такого чоловѣка, который лиш ротом исповѣдае вѣру свою, а дѣлами нѣт.

Един злочинник, осужденный на смерть, коли ему священник темницѣ передав един молитвенник, сказав:

— Отче, я знат, что я христіянин, но не жив по вѣрѣ своей и зато маю умерти на шибеницѣ. О если бы быв я часто читав из сеѣ книжочки, не быв бы я теперь туй...!

Кто не занимається вѣрою своею, кто не молиться, кто не читає духовноѣ газеты и побожноѣ книжки, кто добрыми дѣлами не питає душу свою — у того постепенно замовкне слово совѣсти, загасне огонь ласки Божої, застуденѣе сердце и такій легко станеся жертвою искушений діавола.

A. B.

„Православна правда...“

Написав: Димитрій Кумятскій.

Прекрасный майский день быв. Сонце превосходно свѣтило своими золотяными лучами и жовтою фарбою обяло горы. . Высокѣ Татры... Вон красна година а мы в машинѣ сидиме, котра скоро втѣкає наперед... Несе нас до Праги на выставу... И мы їхаеме, люде из Подк. Руси. Веселѣ есме и радость блещить на наших лицах... где станеме на штаці, восклікне голос гимна Подкарп. Русинов и возваніе: Зазвониме разом

братя... а коли рушиться машина, дойдеме до лѣса и увидиме лѣтаючъ птахи, думаючи на них заспѣваеме: Закукала та сива зозуля...

На одной штації мѣсто спѣву сваду можно чути. Прислушуємся и в скорый час почуеме: „Тотъ папиши показили вѣру, изтребили службу, бо лиш одна служба е истинна...“ Но се уже интересує мене, иду и послухаю, ибо менѣ ся так видить, что туй один „древорубач“-„атьоц“ держить учебное преподаваніе из догматики.

Зайду я в тот вагон и там на серединѣ людьми обкружен стоять в холошнях „атьоц довговолосатый“ и толкує истинну правду „православну“. Слухаю, слухаю, ба что выйде из сего? Но коли чув'ем тѣ „зеленѣ православнѣ правды“ и видѣв'ем як слухаютъ их нашѣ учитися хотячъ честнѣ русины, та позвѣдаю Отца:

— Кажѣть лиш отче, где вы ся набрали только мудрости? Где вы училися сесѣ дѣла?

— Як вы то звѣдаете од мене — одвѣчае „атьоц“, котрого вся истинность вѣры в довгом волосю и не обчесаной бородѣ е.

• Як? Та видав се образить вас? Чому? Видав зато, ибо вы сперед пару мѣсяцями еще дрыва рубали в лѣсу мараморошком, або за кочиша были у „унѣятскаго“ попа, а тепер сталистеся таким апостолом истиини.

Розсердився за се „атьоц апостол“ и скаже:

— Та кажѣть вы менѣ, если вы ученѣ, кто кончив першу літургію, ци знаете вы се?

— Ой брате на только еще не есте выученѣ на лѣсовом универзитетѣ, чтобысьте испытывали мене, но если красно попросите мя и хотите знати истинну, то скажу вам.

— Но кажѣть — отвѣтуе „атьоц истинны“.

— Та сам Іисус Христос на тайной вечери.

— Ой нѣт!

— Ай кто? — звѣдаю переученого отца.

— Я бым от вас любив знати, а видите не знаете. Та апостол Яков.

— Красно, пане лѣсный докторе, то вам не Іисус Христос кончив першу літургію? Та не он казав першій раз: **Пріймите ядите и пійтє от неї кѣ...**

— Та то правда! Айбо служба не лише из того стоить?

— То правда, там еще е и других дѣл богато, но знаете суть ессенціяльнѣ и акцидентальнѣ дѣла, ци знаете вы за сесѣ?

— Я за се нич не знаю, лише только, что службу Бог дав, всьо так як е.

— Ачонь харашо, пане ученый, зато называється служба одна Літургія Іоанна Златоустого, а друга Василія Великого и т. д. ибо сесѣ Бог сам дав, як Святое Письмо. Отче доктор,

ци знаете что дав Іисус Христос? Пріймите аднте, пійтє от нея кс'к, котрѣ ессенціональнѣ дѣла покладуть літургію літургію и тотѣ обняли красными молитвами, пѣснями, якбы обняли престол превосходными квѣтками, чтобы и тым проуказали свою велику любов и почитаніе... И сесь части перемѣняються по розных літургіях.

— Я за се никогда не чув!

— То вам вѣрую, ибо в Мараморошком лѣсу або коло овец за се учитися неможливо.

— Вы так говорите — продовжає „атьоц ученый“ — як бысте папѣш были, болить вас ци так, что мы вернулися ко истинной русской вѣрѣ?

— Правда, что болить, ибо до сих пор ходилисте в свѣтлости под сонцем, а тепер зайдлисте в темноту. Вам то есть истинна, что один гордый человѣк в 1054. роцѣ по Хр-у выдумав. Вам истинна правда буде то, если так е за 1054 роков, что $2 \times 2 = 4$, и тогды нараз выдумать что $2 \times 2 = 3$. Кажѣть отче, ци се буде правда.

— Русины все православнѣ были — отвѣчає мой брат.

— То правда, ибо Кирилл и Меѳодій славянов обратили на истинну православну вѣру, но вы брате не православный, но и дуже *кривославний*, ибо вы не есте з Христом, но против него, вы так обходитеся з ним, як Юда.

— Як вы то кажете — продовжає дискуссію „атьоц правдивий“.

— Як? Слухайте! Так, что вы себе называете христіянами и не есте totы, ибо христіянин подержить правду Христову, но вы нѣт.

— Чому? Видав зато, ибо не вѣруєме Папу?

— Та и зато, ибо вас дуже болить папа. За се бы вам говорити догматично, но я за се часу не маю, ай скажу вам, як вы робите з наукою Іисуса Христа.

— Як? — звѣдає от мене сердито.

— Так брате, як товтин з дикими дичками. Выльете правди Христовѣ на верету, як дикѣ дички и тогды починаете: *Ты еси Петр, и на сем камени созижду церков мою...* и т. д. Одна дичка уже не добра. Но вы идете и дале! Вы служите службу за усопших и кончите „Парастас“, а прото вы вержете правду мытарства, не думаюче на то, что кто е в царствѣ, за того не нужно молитися, а кто е уже в пеклѣ, за того задармо. У вас мытарства не е, но зачим заплатять за парастас и в задушну суботу збересте грошѣ и з дуже добрым смаком поѣсте приносы и яйця, что вам принесуть за то, что по вашої науцѣ не е. Отче мой переучений, ци „отцы православнѣ“ не думают на то, что се обманьованя людей? Вы знаете то, что св. Тройца е велика тайна вѣры Христової, а прото вы учите, что Дух св.

токмо от Отца происходить. Та ци вы то не знаете, что „*Отец и я один есьме*“ каже Іисус Христос. Но вы выбираете между правдами, а что вам ся не любить, вывержете, як погнилу дичку, на то и не думаюче, что Іисус Христос казав, что „всьо ми неся, но из моей науки ани точка не ми неся“ и забудете совсѣм на слова Іисуса Христа: „*кто не е с мною, е против мене*“.

— А! Вы выучили гимназій, легко закологите и мене! — каже „атьоц переучник“.

— Чому бым вас не заколотив? Першій раз, не маєте жадноѣ правды, а кто не має правды, того легше ъмити, як хромого пса; а другій раз, з вами не тяжко легко совершити дискуссію, ибо кажѣть, что вы знаете из науки? Та вы то думаете, что кто способный дрыва рубати, тот способный буде и на попа и на проповѣдателя совершенности. Не так то легко. Тадь тогды можете положити ризы и на оден грамофон, а тот буде вам служити службу. Ой брате, я ся не на том чудую, что вы се не знаете, ибо откуду бысте и знали, но дивуюся над тым, что и ваш неученый розум не видить то, что вы совсѣм в темнотѣ блудите.

— Я дале не говорю — каже мой брат.

— Хорошо! И я так думаю, то задаремно з вами. Я то знаю, что я вас не побѣдив, ибо Іисус Хр. не такій проповѣдатель быв, як я, аproto фарисеям задармо говорив. И апостолов 12 выбрав з меже міліонов и міліонов людей, учив их, доброе творив з ними, а proto найшовся между ними Юда, котрый продав своего учителя. Сякѣ и вы! Но уважайте на то, чтобысте и не походили так, як Юда, ибо теперь вы ругаете на правды Христовѣ, но не забудьте, что „Бог не иде бити палицею“. Я на вас не гнѣваюся, ибо вы не знаете, что чините, и правѣ зато я молитися буду за вас и за всѣх „православных“ обы их обернув Бог небесный из теперѣшнього „кривославія“ на истинное православіе.

И з сим иду в мой вагон, а тогды каже „отец добродѣй“:


— Проклятѣ бунтовщики! Як извозжують народ!

Я обернуся и лиш только скажу:

— Брате! Та во православно-христіянском катехизѣ то е, что обы вы проклятыми называли других людей? Файна tota ваша „православна“ вѣра!

* * *

Сяк ишли мы на выставу до Праги, и слухали сякѣ правды „православнѣ“. Помали и сонце приклонило свою трудну голову, ялося темнѣти и коли вже совсѣм темно было, прийшов менѣ на гадку мой „православный брат“ и так'ем сановав его, что ему в души не свѣтить сонце николи.



Попала менъ до рук одна паскудна книжочка. Называється: „Беззаконія, або грѣхи непомильных папежов“. Айбо такъ паскуднъ брехнъ находяться в ней, что чоловѣк сомнѣвається, ци не діявол сам написав еѣ. Айбо нѣт. Выдав сей зборник брехней Американскій Русскій (два сс, т, е. московофильскій) Клуб и да-яким тайным путем закрав на Подк. Русь. Богато писати за сю книжку не варта; лиш дасколько примѣров приведу, чтобы читатель „Благовѣстника“ видѣли яким духом наповненна сеся книжочка.

1. За XIII-го Льва, Кто умер г. 1900. то пише, что „он был великий лакомець и лихварь, лѣпше вѣрил жидови, як кардиналам и что кардиналы окрадали его“. За Пія X-го, кто умер г. 1914. то знае, что „он был выбранным не Духом святым, але кардиналами“. Сесѣ римскѣ отцы не давно жили, их живот и их дѣла явнъ суть перед цѣлым свѣтом, однакож до теперь никто, жадното злого дѣла не мог на них досвѣдчити. Чиста выдумка и зла воля шизматицка може лишь такое о них написати.

Якій глупый має быти писатель сеѣ книжочки, о том до-знаєся чоловѣк, як читає, что „Григорій I. установил першу литургію“. Если так, та тогды шизматики чому уживають totu литургію (службу Божу)? У нас кажда дѣтина знае, что службу Божу установив сам Христос на Тайной вечерѣ. Подобна глупость и то, что сповѣдь установив Инноцент III. А не Христос? Засмѣйтесь! Бонифацій VIII. „не мал жадной вѣры“. Хапайте за волося! „Александер VI. Лутера Мартина сплодил“. Сякими и еще горшими дурницями напхата сеся славна книжочка. Хочеш ся смѣяти и хочеш познати шизматицкое „правдоглаголаніе“ и хочеш на вѣки отрѣкатися от шизматицкоѣ вѣры, перечитай лиши одну сторону и увидиш якъ то правдивѣ люде шизматики.

2. Напротив сих низких брехней то правда, что межи папами многъ находяться межи святыми. Всѣ папы первих

трьох столѣтій умерли мученичою смертю подчас переслѣдований христіян. Из 260 пап, котрѣ до теперъ управляли Церковю Христа 79-ро находяться в лику святых. Грѣшники найдуться и межи папами, бо они суть людьми; без грѣха не была хиба Пр. Дѣва Марія. Но далеко не найдуться такѣ, яких глядае сесь кацап меже римскими папами. За таких най шукає скорше меже патріархами и россійскими царями! Кто знає исторію св. Петра, як отступив он от Христа в часу искушений, тот не буде чудоватися, что и меже папами находяться дасколько недостойных лиц. Айбо зато обвиняти всѣх римских отцов не есть справедливое дѣло. В кождом селѣ находяться злѣ, роспустнѣ люде, айбо справедливый чоловѣк не буде за то обсуждати цѣлое село! Нам вѣрним христіянам найлѣпше болить, если меже намѣстниками Іисуса Христа найдуться недостойнѣ особы, но мы молимеся, чтобы Христос Бог обдарив их своею ласкою, а не метаеме болото за се на цѣлу св. Мати Церков.

Против таких паскудных книг и безочливых брехней не е иншоѣ обороны, як дати в руки вѣрников наших добрѣ книжки и газеты. Где вѣрники прилѣжно читають „Благовѣстник“ и его книжки, там над такими дурницами лиш смѣються люде. (б).

ІЗ ІСТОРІЇ ЦЕРКВИ

Причины восточного розкола (схизмы).

До девятого столѣтія двѣ головнѣ части Христової Церкви — Восток и Запад — одну христіянську вѣру исповѣдали, хотя в обрядѣ рожнилися и составляли товариство под управлением Римского епископа. А днесъ? Нерукотворена риза Христова порванна на двѣ части а восточнѣ и западнѣ христіяне колись братя жіють в ворожай непависти на велику радость непріятелей Христа Господа. Что и кто есть причиною сего смутного розкола? Желаючи на сей важный вопрос отвѣт дати, маеме звертатися до исторіи и подивитися, что о сем свѣдчить безсторонна исторія.

В цѣлой исторіи восточных ересей от Арія (кто то учив, что Іисус Христос не быв истинным Богом) аж до схизмы (розкол) восточної церкви три великѣ политичнѣ-религійнѣ партій боролися за гегемонію (власть) на области так церковной як политичной.

1. Перша партія состояла из сторонников формальных ересяй т. е. из тих, котрѣ Христову вѣру не хотѣли пріяти в первоначальной чистотѣ; сея партія всегда ноддержувалася импе-

папской волѣ, но позднѣйше знов упали в мегаломанію и почали себе называть „вселенскими патріархами“. Коли о сем дозналися римскѣ папы, оден из них св. Григорій Двоеслов (котрый составил Литургію Преждеосвященных Даров) чтобы указати им христіянску смиренность став, себе называть „рабом рабов Божіих“. (Се есть и днесъ офиціальна назва римских пап). Но и се не много помогло. Епископы Царьгородскѣ ишли дальше путьом гордости доки не довели цѣлу церков восточну до полного розкола.

Много причинило до роздѣленія Церкви Христової и то, что римска держава розпала ся на двѣ части и на западѣ образовалася с новыми народами, т. зв. Западна римска держава. Доки западна и восточна часть были одною державою, доти и в церковных дѣлах сохранилося братское отношеніе. Но коли так на Востоцѣ, як на Западѣ повстала цѣлком окрема держава, тогды епископы Царгородскѣ отповѣдным считали час себе независимими здѣлати от римского епископа. Коли в Римѣ папа положив царску корону на голову Вел. Карла, тогды Фотій в Константинополѣ выповѣв отлученіе Востока от римского престола. Не было тут слово о вопросах вѣры, не быв скликаный собор опредѣляючій розлуку меже двома церквами, головна причина розкола была то, что Кочстантинопольскѣ патріархи не хотѣли подверженѣ быти епископу одної чужої державы. Не вѣра, но политика, не догматы, но гордость были причинами смутного розкола. Се доказано и с тым, что коли по вел. Карлѣ усльяла западна-римска держава, знов настало согласіе меже Римом и Востоком и наслѣдники Фотія за 150 роков признали римских пап. Лиш коли императорска власть перейшла в руки сильных нѣмецких царей и с помочію их на престол апостолскій ступили мужи енергичнѣ, на Востоцѣ антикаѳолическое движение знов укрѣпилося и в особѣ Керуларія, патріарха Константинопольского привело до окончательного розкола.

Оден россійскій писатель, Соловьев пише в своей книжцѣ, что велика пропасть меже двома Церквами выкопана ве Божіими по людскими руками; также можно сѣ засипати також людскою працею. Божое провидѣніе уже приготовляє путь до сего. Гордѣ Константинопольскѣ патріархи не только, что давно перестали быти „вселенскими“, но уже и велику часть своих вѣрников утратили; в Россіи упала наибольша перепона церковного соединенія: царска власть; а повага римского папы из дня на день уболяшається. Приключити ся маеме и мы до сеѧ працѣ як ишак нѣт, та горячою молитвою: **О мирѣ ксего міра; и благосостомніи скажыхъ Божіихъ Церквей и соединеніи къ ѿз, Господъ по колимса“.**

У вѣрѣ найдеме спасеніе души нашої.

раторским двором. Из политичного взгляду на то стремилася, чтобы Церков подвержена была свѣтской, политичной власти. (Як то было у давной поганской имперіи). Само от себе розумѣєся, что сея партія в римском престолѣ видѣла своего найбільшого непріятеля и всѣми силами старалася императора привести до ереси и сяк отлучити от римского престола.

2. Друга партія была православна-каѳолическа, котра постійно боролася за чистоту христіянскої религії против еретиков и за свободу Церкви против императорского двора. Партия сея не была мила перед свѣтскою властю, не много приклонников мала серед высшого духовенства, но опиралася головно на монахов и на крѣпку вѣру простого населенія. Партия сея всегда могуку помоч доставала от римского престола, от центра христіянского свѣта. Чтобы оцѣнити сесю партію доста только примѣтити, что до сеѧ партії принадлежали такѣ мужи, як св. Аѳаназій, св. Іоан Златоустый, св. Оеодор Студита и прочій.

3. Третя партія, до котрої принадлежала болїша часть грецкого духовенства православна-протикатолическа. Партия сея крѣпко держалася истинам вѣры, не мала ничего против единства Церкви, если центр того единства не в Римѣ, но на Востоцѣ находится. Она была в первом рядѣ національна (народна) а потом христіянска. Она скорше допускала Церков роздѣлену, як Церков соединену под Римом. Для них, як правовѣрных великое несчастья было, коли императоры подпоровали ересь, но еще горшими моментами были тоты часы, коли императоры в борьбѣ против ересей принимали помоч римского престола. Политика их глубоко обдумана была: одорвати императоров од каѳолического Рима и привязати их на всегда до православної вѣры. Для досягненія сеѧ цѣли она готова была и на уступки из стороны догматов. Сея партія переборола двух пережных, разбила единство церкви и на довгѣ столѣтія опредѣлила судьбу христіянского Востока.

Партія сея всѣми силами старалася поднести Царьгородскому епископа над Римского; независимым здѣлати патріарха Востока от римского престола. И коли се не ишло законным путем, греки не отстрашилися навѣть от роздвоеня Церкви Христової. Епископы Константинопольскѣ значала однакѣ были с другими епископами: но коли Вел. Константин переклав свою резиденцію в Константинополь, епископы стали независимыми от власти митрополитов. Коли на Халкедонском соборѣ (341 г.) опредѣлили ряд первенства патріархов, Константинопольскѣ епископы для себе жадали первое мѣсто по римском престолѣ. Тогдашний папа римскій св. Лев в одном посланію к Анатолію епископу Константинопольскому запретив пользоватися сим правилом. Анатолій и его наслѣдники за еден час и повиновалися

ВСЯЧИНА

СВѢТИЛЬНИКИ ЛЮБИ.

(От одиоѣ новонаверненої россіянки.)

Церковный собор в Москвѣ, на котором 46 епископов свою голову, патриарха Тихона выключили из церкви, засвѣтив на всѣ роздоры и рвенія в „православной“ церкви котрѣ мають кожного широго россіяна пещастливым здѣлати. Хворота „православной“ церкви в Россіи горша, як то чоловѣк собѣ подумав. — Хотя так близко есть св. мати Церков. Чому ся страшна слѣпота? — Менѣ особисто здається, что каѳолическая Церков есть логичным развитком и довершеніем всего того, в что я в „православной“ церкви вѣровала и знала. Каждый догмат, кажда тайна, кажда наука есть глубша, ширша свѣтлѣйша в каѳолической Церкви и каждый „православный“, кто дѣйстно по своей вѣрѣ живе, свою вѣру знае и чувствує еї недостатки, все найде в каѳол. Церкви а еще многое красшое, о чом и понятія не мав.

Есть в Россіи на Великій Четверь оден красный звычай. Подчас читаня евангелій св. страстей Господных каждый чоловѣк одну свѣтчу горючу держить в руках. По отправѣ як люде идутъ дому, со собою несутъ и свѣтки и дуже уважаютъ на то, чтобы свѣтчка ся не загасла на пути, бо с тым мають запалити дома лампу перед святыми образами. Прекрасное явище мае быти, коли на селѣ в темной ночи, згорючими свѣтками приходить люде из церкви и разсылаются на всѣ боки и чоловѣк лиши блеску свѣтла видеть.

Ци не есме и мы россійскѣ конвертиты (новонаверненѣ) такими свѣтильниками? Божа благодать запалила и нашѣ сердца в краю изгнанія! Скорше ци позднѣйше, мы вернемеся назад в наше отчество. Тогда маєме и мы нашѣ горючи всѣчки понести на для нас приданное мѣсто. И нашою задачою буде запалити лампы любви и благодарности с собою принесенным огнем. Всягды, куды нас доля поведе, має стояти оден олтарь, всягды, где мы жити и дѣйствовать будеме, мають познавати правдиву Христову Церков, и всягды мають почитати св. сердце Іисуса Христа, что до теперь взагалѣ не знаютъ в цѣлой Россіи.

Айбо той час, доки мы в чужинѣ маєме перебывать, най буде для нас часом духовного развития; мы маєме працовать, труждатися. Як пчолы, так и мы маєме пильно сбирати мед из кождоѣ квѣтки, что Господь Бог посилае нам на нашу встрѣчу.

И сколько много таких квѣток е, лиш очи треба отворити. Великолѣпна літургія, Богомольнѣ отправы, житя святых, каѳолическа литература, богобойнѣ люде, от которых так много можно ся научити. И могучое и чудесное частое св. причастя. Яка то красна задача, через сесѣ красоты украшати и розвивати нашу душу.

Правда, мы слабѣ. Но Бог Небесный всемогущій, и чудеснѣ Его планы. Не без потребы розсилав Он нас по цѣлому свѣту. Правда, положив на нас свою тяжку руку, но подав нам то, что есть найдорожшое на свѣтѣ, привюв нас в лоно своеѣ правдивої Церкви. С его помочію можеме довершити прекрасну іѣль: да будуть всѣ єдино (Іоан. 17, 21).

Позор на церковнѣ школы. Во Виднѣ, где не есть обязательна молитва в школѣ перед наукою, случилося слѣдуюче событиє. В одной школѣ учила одна безбожна учителька; перед годиною позвѣдае дѣти, что ци хотять молитися. Дѣти в корушѣ отвѣчали: „Хочеме...“ Доки дѣти молилися учителька через окно позерала. Так выглядаете побожное выхованя молодежи, где нѣхристіянское правительство управляе державою и где люде легкомысленно передаютъ свої церковнѣ школы державѣ.

Двѣ чесноты в раѣ коммунистов. Одна россійска народна казка говорить: Раз устроив Бог небесный в царствѣ небесном оден великий праздник. Прикликанѣ были всѣ чесноты свѣта. Гуляли, размовляли весело чесноты меже собою, як то уже меже сродниками и добрыми знакомыми звыкло быти.

Раз лиши утямив Бог двѣ чесноты, котрѣ як бы себе не познавали.

Бог небесный взяв их за руку и представив их:

„Добродѣтель“ каже указуючи на першу.

„Благодарность“ каже имя другоѣ.

Обѣ чесноты дуже здивовалися: от сотворенія свѣта они теперь першій раз срѣчаются.

Так то е в раѣ коммунистов, в Совіетской Россіѣ. Папа римскій постоянно 124.000 людей воздержуе через свою подпомагающую акцію, устроюе 700 школ народных, больниць, сиротинцов, и т. д.

А подяка за се? Правительство кроваво переслѣдуе каѳолическу Церков, убивае єї священников, ограбляе єї церкви и перемѣняе domы Божіи в domы грѣхов и розпуст. Тут дѣйстно „добродѣтель“ ничего не знає о „благодарности“.

Священники не забудьте засылати предплаты и розширяти меже вѣрниками „Благовѣстник“!

Борьба за церковь.

В Ракошинѣ (коло Мукачева) вже от минувшої зими усиловалися шизматики забрати церковь гр.-каєлическу. Но вѣрники церкви и старый священник, Константин Пуза, ревно обороняли свой церковный маєток и задаремнѣ были всѣ усиленія кривославных. Наконець 24-го минувшого мѣсяця одної ночи зарвалися у церковь и от того часу день и ночь сторожили коло церкви, чтобы гр.-каєолики не могли зайти туда. На то гр.-кає. громада обернулася ко Цивильной Управѣ и требовала помочи против насильственников. Жупанат в Мукачевѣ присудив церковь гр.-каєоликам и розсудом возвзвав шизматиков, обыдали назад ключъ гр.-каєоликам. Шизматики противились сему и на то жупанат выслав главнослужного дра Солича, чтобы из помочію жандармов взяв и передав церковь гр.-каєоликам. Дня 9. юлія явився др. Солич в Ракошинѣ и возвзвав шизматиков, чтобы отступили от церкви. Но якъ злобна душа так розагитовала шизматиков, что сесь и чути не хотѣли о передачѣ.

Коли др. Солич толковав им, что то закон предписуе и мусяться повиновати законам, глупа толпа закричала:

„Мы закон, церков не передаме, что нам Пешек?“

Головнослужный не хотѣв покалѣчили людей, хотяй на то мав власти и не дав стрѣляти в фанатизовану толпу, но дав прикликати много поліціянтов и вояков. Коли сіи приближалися в село, шизматики ударили в дзвоны и около церкви собрали майже всѣх своих вѣрников, мужчины, жоны и дѣти. Головнослужный опять возвзвав их, чтобы повиновалися законам, но загитованѣ шизматики на то одповѣли криком и лайками.

На се головнослужный розсказав, чтобы поліціянты прочистили дорогу к церкви. Сіи верглися на шизматиков и кто противостав, того палицями примусили ко послушности. Йойк и крик сопровождав борьбу и у 20 минут вже чиста была дорога до церкви. Розбита товпа шизматиков розбѣглася и головнослужный передав церков гр.-каєоликам. О цѣлом поступованію записали протокол. Арестовано было около 10. Отправили их до Мукачева в темницю. В Ракошинѣ лишилася експозитура жандармеріи, ибо шизматикам еще не было доста из шкандалу. Они грозять ся, что опять заберуть церковь.

Другого дня явився Гагатко в губерніи з протестом против передання церкви и против арестованя провинившихся.

Из сего явно, что кто заступає шизматиков. Задарь говорить Гагатко, что он не робитьнич против гр.-кає. церкви, дѣла его доказують противное. Кто спознає чорну роботу галицких москвофилов, тот им не повѣрить, тот ни языковыми хитростями, ни иными политичными махинаціями не дастся им зловити, ибо знає, что сіи вороги каєлическої церкви и русь-

кой народности постоянно лиш шкодять нам. Где не мож явно, там тайно агитують, но агитують постоянно. Невинный народ розфанатизують и заводяеть у такъ глупости, як в Ракошинѣ, из яких лиш сорому и шкоды мають.

Епархіяльное правительство на жаданя самого тамошнего 84 рочного душпаstryя, выименовало до Ракошина молодого священника *Николая Товта*.

|| ЧОПІЧСІ ||

Берегово, 22. VI. 1923.

Слава Іисусу Христу !

Дорогий отче Редакторе Добродѣю.

Осмѣляюся донести вам, что минувшой недѣлѣ отбылося у нас в каплицѣ вязници Богослуженя. Спѣвану службу Божу отправив о. Попович. Его сильно голосный голос, торжество Богослуженя дуже набожно и морально подѣлало на арестантов. Присутнѣ были на Богослуженю из арестованных около 100 особ, директор заведеня, окрем того много дѣтей, гимназистов, котрѣ не далеко от вязници во интернатѣ живіють. Через отворенѣ окна каплици розливався сильный и голосный спѣв, так щирый и сердечный, якій лиш може являтися в нашем руськом обрядѣ и якого арестованѣ вже так давно почуті жаждуть. Нужно бы было не только раз в роцѣ, но хоть лиш кождого мѣсяця духовно залишеным вязням Богослуженя со проповѣдею держати.

Желаючи вам всего доброго, остаюсь вдячный вам :

*Олекса Мороз,
темн. сторож.*

—
Торун, 12. VII. 1923.

Слава Іисусу Христу !

Дорогий Отче Редакторе !

На праздник св. Іоанна Крестителя отбылося праздничное положеніе основного каменя новой гр. каѳ. Церкви в Соймах (ж. Марм. округ Воловскій). Церковну отправу кончили о. Ант. Михалович и о. Адалберт Орос. Святочну бесѣду держав торунскій духовник, о. Михалович, котрый головно на то воззывав вѣрников, чтобы в сих поганских часах твердо стояли в вѣрѣ. По богослуженю раздавали людям „Благовѣстник“, что шизматиков страшно розъярило. (Так, як священна вода нечистого духа !) Тым краснѣйше было видѣти, як процесія ишла дому

в руках з „зеленою книжочкою“; онь радусся душа чоловѣка, коли видить, что и пастыри дозираючи стадо на полю читають „Благовѣстник“.

Се быв радостный бок нашего праздника. Но быв и смутный. Коли о. Михалович и Попович с пѣвцоучителем п. Микуляком 9-го юлія вертали на возѣ из Волового до дому, на пути в селѣ Соймах учули оден выстрѣл, а зараз богато великих каменей падало на воз. Шестero „христолюбивых“ шизматиков были то, котрѣ еще довго тѣкали за возом метаючи каменя па них. (От апостолское средство фотіянской вѣры!) Лѣш Божай ласцѣ могут дяковати, что ни одному из них не сталося нич.

Подобну безчесть здѣлали шизматики и с ревным пѣвцоучителем п. Микуляком. 7-го юлія вечер о 9-ой годинѣ подпаченѣ шизматицѣ битанги вломилися в честну хижу пѣвца разбили лампу и в темнотѣ хотѣли его забити. Ледва мог вырватися из безбожных рук шизматицких „апостолов“.

Та такѣ краснѣ рѣчи дѣються туй на темной Верховинѣ. А еще лицемѣры шизматики смѣють скаржитися, что туй их переслѣдуют. Всякій злочин, всякое битангство связано с назвою „шизматик“. Высокое правительство, коли здѣлае уже конець битангской агитациіи кацапов и их товаришов ? !

Остаюся с щирым поздоровленіем и вручаю себе в вашѣ молитвы

о. Антоній Михалович,
духовник.

ЛІТЕРАТУРА

Нива. Ч. 5. О. др. Маркевич подає одну интересантну статю о прессѣ, в которой укаже на необходimu потребу сильной хр. преси в борбѣ свѣтоглядов. Цитує слова Пія X-го: „Даръмо будуеме церкви, закладаеме школы, устроюеме миссіи, — всѣ нашї усилия пойдутъ марно, коли ровночасно не маєме отповѣдной прессы, як оружіе до обороны и наступу“. Днесъ без сильной прессы и подумати не можно побѣду христіянскаго свѣтогляда. Могли бы и у нас взяти на увагу сесѣ серіознѣ думки многѣ и дѣши подпоровати нашѣ христіянскѣ пресловѣ органы: „Свободу“ и „Благовѣстник“ доки еще не поздно. В стать „Без маски“ Й. Скрутень сообщае отстрашаючѣ даты о польских

ксендзях, котрѣ из слѣпой національности шизму подперають против гр. кафтоликов. О. И. Рудович продовжає статю : „Основники св. Юра, львовской катедры. Въ дальнѣй части часопису д-р Костельник пише о поезіи Ив. Франка, Адам Солодух об исторіи василіянских муроў у Вільнѣ. Находиться и одна статя из науки літургіи: Дачто из богослужебных обрядов... од Достепа. Меже всячиною интересантна е статя о. Фоляса о появах духов въ Бродах. Предплата сей цѣнной газеты: 20 Кч. Можно предплату заслати и до редакціи Благовѣстника.

Pan Přiházi: Časopis katolické mladeže. Olomouce. Предплата на рок Кч. 2.20.

Růže Lurdska: Milonjce, Morava. Придѣл Кч. 10.

Богословія. Науковый тримѣсячник. Ч. 2. Цѣннѣ сообщенія находяться из высшой теологии, огляды и оцѣнки о найновѣйших книгах и интересантнѣ вопросы из духовной жизни составляютъ богатое содержаніе сего перворядного богословскаго часописа. Головно оо. духовникам вручаеме во вниманіе. Предплата на год 40 Кч.

Поступ. Студентскій вѣстник. Ч. 5. и 6. Предплата 24 Кч.

Наш приятель. Часопись для молодежи и школьніх дѣтей.

Міссионар. Духовна газета для народа. Ч. 6.

Книга для женихов и невѣст. Красна книжочка выйшла въ Жовквѣ для хотячих вступити въ стан супружескій. Находяться въ ней всякѣ молитвы, поученія изъ катехизма, спасительна наука для христ. фамиліи и т. д. Книжочка мае 120 страниц. Вручаеме не только нашимъ богообойнымъ вѣрникамъ, но и духовникамъ для наученія стада имъ повѣреного. Цѣна 5 Кч.

Новости

— Великий Отпуст во Бѣксаду (Румынія) отбывся на праздник Петра и Павла, где появилось изъ Мараморошкоѣ жупы около 3000 греко-кат. вѣрников изъ провоженіемъ процесії о. А. Хира вулховскимъ, о. М. Мирошай, няговскимъ и С. Тивадаромъ

Рок 1923.

„БЛАГОВѢСТИК“

Сторона 241.

мукачевским священниками и Иваном Деак терновским нерк. пѣвцоучителем. Вѣрники со май великим довольствiem вернувшись до дому, во Бедевли (ж. Мараморош) схизматики приготовившися со камѣньом и ножами чекали нас. Пochали звонити и отворивше церков думали что нас мало буде, де нас набют. Увидѣвше множество народа не смѣли свою на-вперед выдуману барбарску любов показати, токмо, стыдливими выраженіями обезчестили молящійся народ. Ци св. письмо приписує сю любов ? !! Небожата схизматики сяким диким терором пріобрѣвают своих прихилников !

— **Высокое отличіе министра Шрамека.** Вождь чехословенскоѣ народноѣ (людоовоѣ, кафтолическоѣ) партіи д-р Шрамек, именован папским протонотаріом. Апостолскѣ и протонотарѣ давно принадлежали ко апостолской канцелларіи и принадлежали ко церковным прелатам. Сан их е высшій як папских прелатов. Теперь лиши 7 протонотаріов працує во ватиканских урлдах, а другѣ суть лиш почестными протонотаріями (*ad instar participantium*). Высокое отличіе министра Шрамека, вожда политичної партіи чеських кафтоликов е доказом того, что Апостолскій престол признае заслуги пана миистра и высоко цѣнить для церкви заслуги кафт. партії. Пан министер Шрамек всегда ревно працевав для кафт. церкви и для свого народа. Он щиро подпорує и нашу кафт. партію т. е. партію хлѣборобску, котра заступає правду и права нашої церкви. В нашей републицѣ работѣ Шрамека можно дяковати постепенное сближеніе политичных односинко консолидациі. Сердечно привитаеме его и мы из поводу его высокого оличія и желаеме, чтобы мог еще дальше працевати для своих прекрасных ідей на мпогая и благая лѣта !

— **Новый апостолскій нунцій, Франц Мармаги.** Народивса в Римѣ 31-го авг. 1876. Учився в Римѣ, посвящен быв г. 1900, потом пріобрѣв докторат богословія и обого права. Года 1920 пріяв посвященніе епископское и титул архіепископ-скій и зараз послан быв за апостолского посла до Румыніи. Туй в найлѣпшом отношенію стояв с румунским корольом. Як достав сю нову посаду, походив всю Румынію и Буковину. В Буковинѣ нашлов 30.000 греко-каѳоликов русинов, котрѣ стоять под управлением ап. администратора : Злепка. Есть там еще 105.000 римо-католиков, а прочіи шизматики и жиды. Всягды с пайбольшим торжеством принимали его. Витаеме его и мы сердечно и желаеме ему, чтобы успешно працевав меже нами на славу Бога и св. Церкви. Вручаеме в его высокое вниманіе и судьбу нашої епархіи, где правительство еще все не положило конецъ беззаконной шизматицкой агитациі.

— **Упокоилися.** Гелена Гебея, сестра о. П. Гебея протоієрея, вдова Георгія Лещишина, гр.-кає. священника, в 67. року своєї жизни, заосмотрена св. Тайнами, дня 14-го юлія вечером в $\frac{1}{2}9$ годинѣ отдала свою безсмертну душу Сотворителю своему. — Георгій Мика, ученик VII. кл. ужгородской гимназіи 24. юнія в Празѣ умér. Поминальное Богослужение отбылося 27-го в ужгородской каєдральной церкви. — Блаженный Им покой.

— **Патріарха Тихона выпустили.** На протест цѣлого культурного свѣта, большевики на конець мусъси выпустити патріарха Тихона из вязницѣ. Примусили его, чтобы подписав одну заяву, в которой обязуєся, что в будучности не буде агитовать против большевиков. Головный прокуратор Криленко проектировав, чтобы Тихона выгнали на чужину.

— **Безбожник став боговѣрцем.** В Парижѣ умер не давно Жюл Рощ, бывшій посол безбожной радикальной партіи и французскій министер. Он быв велиkim противником хр.-кає. вѣры и через цѣлый свой живот воював против вѣры. Недавно удостовѣрився, что ходив фалшивою дорогою и вернувшись в лоно кає. церкви. Наймилѣйша была ему книга: Послѣданіе Христа. Перед смертю своею побожно высловѣдався.

— **Жертволюбіе.** Бѣлецкѣ гр. кає. вѣрники заслужать на публичну похвалу. Еще г. 1921—1922 даровали на новѣ звоны 25.000 Кч., а теперь знов турню

хотять закрыти; се их буде коштовати около 20.000 Кч., но ревнѣ вѣрники охотно дарують на украшеніе Божого дома. Работа еще перед праздником св. Петра и Павла скончена буде, коли Бѣлецкѣ вѣрники обходять праздник храм церкви“. На сей праздник радостно привитають и сим путем чим больше гостей. Жертволюбіе бѣлецких вѣрников разом есть явным доказом того, что в Бѣлках жіе еще правдива Христова вѣра.

— **Много россіянов (москальов),** котрѣ теперь в Франції перебывають, вступают в каєлическу церков. Парижскій епископ, выдав розпорядженіе своим священникам, чтобы переходящих из шизмы на унію пріяли с любовію и полишиали их в уживаню восточного обряда.

— **Выслѣды епархіального конкурса.** 5-го юлія отбывся конкурс епархіальный на котром из 12 кандидатов приняли 10. Из них 3 на першій рок а 7 як гимназистов до VII-ой и VIII-ой кл.

— **Уже и в Греціи прияли новый церковный калердар.** На не давно, в Константинополь поддержанном церковном конгрессѣ под предсѣдательством Мелетія рѣшено было перейти на григоріянскій (новый) календарь. Грецкое правительство уже от 1-го марта уживае новый календар, пока в церковный живот от 1-го октября буде заведен так, что Покрова уже 1-го октября буде ся праздновати. Министер заграницых дѣл от заведенія нового календаря чекае

улегшеніе соединенія обоих Церквей.

— Еще раз россійскій церковный собор. Россійска :газета Руль подає дальшъ информаціи о церковном соборѣ россійской Церкви. Межи прочими пише, что при открытии собора прочитан быв телеграм совійетскому правительству, в котором выражали щиру подяку за отданіе церкви от державы, которым “церковь была освобождена от политичноговлїянія”. Интересантна была на “соборѣ промова Веденского, который заявил, что его группа держить своим“ основным довгом боротися с буржуазным духом в церкви. Она считает нѣобходимым подвергнуть пересмотру всѣ ученія церкви, всѣ обряды, догматы а также реформовать богослуженіе и дати женщинам однакое право с мужами, в церковной жизни. Красно выглядает тога “тверда православна церковь.” (Руль ч. 742).

— Из шизматицкого раю. Жона Чижмар Михайлова, по головѣ ударила своего сына, близко 20 рочного, зато, что зняв перед нашим каменным крестом шапку. „На что ся болвану кланяеш?“ — закричала. Она е една из межи майтврдших Кенейзовых апостолниц-муроносиц, которая усягды перша из камъньом на битку против Христовоѣ вѣры.

— Праздник Духновича в духовной семинаріи отбывся 2-го юнія пред великою публикою. Присутнѣ были меже прочими преосв. епископ Антоній с капитулою, вице-губернатор п. Еренфельд, священники греміяльни и многъ из

свѣтской интелигенціи. Программа красна была и добрѣ выроблена. Сей праздник явным доказом быв того, что наше духовенство и наше культурное полѣ меже першими хоче працовати. Лиш то не подобалось публицѣ, что доки в всѣх інших школах уже заведеній народный язык, в семинаріи еще все московщиною мучать будущих священников руського народа.

— Українцѣ в Вѣдни. В Вѣдни живе около 20.000 украинцев, из которых три-четвертина часть належить до шизматицкой церкви. Меже ними е сильное движение отступти от Константинополя и Россіи. В послѣдных часах зорганизовався меже ними один комитет с цѣлею працовати для соединенія украинскаго народа с католическою Церковю. На чолѣ сего движения стонть о. Августин Галлен ЧСВВ.

— Архіепископ др. Стоян — хвала богу — уже почувваєся зовсѣм дѣшше. Дасть Бог, что у короткій час знов може вернутися до своей апостолькой працѣ. Однакож Велеградскій, уніонистисчный зѣзд про его хвороту перекладен на 1924 год.

— Ческѣ безбожнѣ студенты в Празѣ в имени всего студенства при привѣзу маршала Фоша заявили, что не беруть участи в торжественном привитанію освободителя ческого народа. Причина сему то, что маршал Фош е ревным хр. католиком. На се христіянска часть студенства в пос-

лѣдьвих днях созвала собраніе, на котром протестовала против сего поступованя. Собраніе поиробовали розбити покрокары (безбожники) так, что поліція мала замѣшатися в дѣло. Хвала Богу, что уже и у Чехов пробудилася христіянска свѣдомость. А коли у нас?

— Церковнѣ маєтки — як пише газета Русин — суть властностю церковных громад, як правничоѣ особы. Головою церковної громады — понеже еще не маєме церковной автономіи — есть епископ; также если бы и цѣлое село переишло на гр. восточну (шизматицку) вѣру, маєток лишається и на дальше под справованьем епископа. „Се есть становище всѣх правников; также дармо надѣються наши шизматики на ческѣ суды, дѣло має ся рѣшити на основѣ законов. А законы не то позерають, де е большинство, но на то: де е правда. Недовга увидять и Лучанскѣ шизматики, что не все правда, чим их кацапскѣ агитаторы дурили.

— Христіянскѣ жоны Австріи через министерство заграничных дѣл оголосили слѣдуючій протест: „В имени чловѣчества и справедливости

— Короткѣ вѣсти. Зорганизовалося в Ужгородѣ „Товариство гр. каѳ. катихитов“ 15-го юлія; за предсѣдателя выбрали о. др. Ю. Григашого, за дѣловодителя же о. Ем. Бокшая.

РЕДАКТОР-ИЗДАТЕЛЬ:
АВГУСТИН ВОЛОШИН.

просиме правительство Совѣтov, чтобы застновили присуды и гоненія против священников, котрѣ лиш свою вѣру и храмы Божіи защищали. Кров невинно тероячих до неба воїїе. Най не обтяжают вожды Россіи свою совѣсть и повагу державы с такими несправедливостями“.

— Гр. кафт. епископ перед большевицким судом. Федоров епископ також призван быв перед большевицкій суд. Судія Криленко звѣдае от него: Яку власть признаете над собою? — Коли закон людскій а Божій меже собою противляться, тогды менѣ на голос совѣсти треба слухати. — Я не даю нич на вашу совѣсть, закричав сердито Криленко. — Айбо я даю. — Отповѣв Федоров смѣло. И як другѣ так и он вдячно прияв мученическу смерть. (Федоров быв шизматицким священником, вернувся назад у Христову церков перед 15 роками.)

— Назад у Христову церков. У. Виднѣ оден протестанскій поп им. Ян Гумбер 24-го марта вернувся у кафтолическу Церков. В послѣдних часах быв парохом найбільшої Вѣденской фары. Теперь має 27 лѣт.

ОТВѢЧАТЕЛЬНЫЙ РЕДАКТОР:
ЕМИЛІАН БОКШАЙ.